

四庫全書

史部

欽定四庫全書

史部

班馬異同卷二十四至
七

詳校官侍讀_臣陳萬青

洗馬_臣王坦修覆勘

總校官編修_臣王燕緒

校對官中書_臣李 銘

謄錄監生_臣王朝傳

欽定四庫全書

班馬異同卷二十四

宋 倪思 編

衛將軍驃騎列傳第五十一 史記百一十一

衛青霍去病列傳二十五 漢書五十五

大將軍衛青者字仲卿其父鄭季河東平陽人也其父

鄭季為吏以縣吏給事平陽侯家平陽侯曹壽尚武帝

姊陽信長公主季與侯妾王家僮衛媼通生青青有同

母兄衛長子君及而姊衛子夫子夫自平陽公主家得幸天子武帝故青冒姓為衛氏字仲卿長子更字長君母號為衛媼媼長女衛君孺次女少兒次女即則子夫後子夫男弟步廣皆冒衛氏青為侯家人少時歸其父其父使牧羊先民母之子皆奴畜之不以為兄弟數青嘗從入人至甘泉居室有一鉗徒相青曰貴人也官至封侯青笑曰人奴之生得毋無笞罵即足矣安得封侯事乎青壯為侯家騎從平陽主建元二年春青姊子夫

得入宮幸上皇后堂邑大長公主女也無子妒大長公主聞衛子夫幸有身妒之乃使人捕青青時給事建章未知名大長公主執囚青欲殺之其友騎郎公孫敖與壯士往篡取之以故得不死上聞迺召青為建章監侍中及同母昆弟貴賞賜數日間累千金君孺為太僕公孫賀妻少兒故與陳掌通上召貴掌公孫敖由此益貴顯子夫為夫人青為太中大夫元光五六年拜青為車騎將軍擊匈奴出上谷太僕公孫賀為輕車將軍出雲

中太中大夫公孫敖為騎將軍出代郡衛尉李廣為驍
騎將軍出鴈門軍各萬騎青至龍城斬首虜數百騎將
軍敖亡七千騎衛尉李廣為虜所得得脫歸皆當斬贖
為庶人賀亦無功唯青賜爵關內侯是後匈奴仍侵犯
邊語在匈奴傳元朔元年春衛夫人有男立為皇后其
秋青為車騎將軍出鴈門復將三萬騎出鴈門擊匈奴
斬首虜數千人明年匈奴入殺遼西太守虜畧漁陽二
千餘人敗韓將軍軍漢令將軍李息擊之出代郡青斬

首虜數千明年令車騎將軍青復出雲中以西至高闕
遂畧河南地至于隴西捕首虜數千畜數十百餘萬走
白羊樓煩王遂以取河南地為朔方郡以三千八百戶
封青為長平侯青校尉蘇建有功以千一百戶封建為
平陵侯使建築朔方城青校尉張次公有功封為岸頭
侯使建築朔方城天子上曰匈奴逆天理亂人倫暴長
虐老以盜竊為務行詐諸蠻夷造謀藉兵數為邊害故
興師遣將以征厥罪詩不云乎薄伐玁狁至于太原出

車彭彭城彼朔方今車騎將軍青度西河至高闕獲首虜二千三百級車輜畜產畢收為鹵已封為列侯遂西定河南地按榆谿舊塞絕梓領梁北河討蒲泥破符離斬輕銳之卒捕伏聽者三千七十一七級執訊獲醜毆馬牛羊百有餘萬金甲兵而還益封青三千八百戶其明年後匈奴比歲入殺代郡太守友入畧鴈門千餘人其明年匈奴大入伐定襄上郡朔方所殺畧漢數千人其甚衆語在匈奴傳其明年元朔之五年春漢令車騎

將軍青將三萬騎出高闕衛尉蘇建為游擊將軍左內
史李沮為彊弩將軍太僕公孫賀為騎將軍代相李蔡
為輕車將軍皆領屬車騎將軍俱出朔方大行李息岸
頭侯張次公為將軍俱出右北平咸擊匈奴匈奴右賢
王當衛青等兵以為漢兵不能至此飲醉漢兵夜至圍
右賢王右賢王驚夜遁逃獨與其愛妾一人壯騎數百
馳潰圍北去漢輕騎校尉郭成等逐追數百里不及弗
得得右賢裨王十餘人衆男女萬五千餘人畜數千十

百萬於是引兵而還至塞天子使使者持大將軍印即
軍中拜車騎將軍青為大將軍諸將皆以兵屬大將軍
大將軍立號而歸天子上曰大將軍青躬率戎士師大
捷獲匈奴王十有餘人益封青六千七百戶而封青
子伉為宜春侯青子不疑為陰安侯青子登為發干侯
青固謝曰臣幸得待罪行間賴陛下神靈軍大捷皆諸
校尉力戰之功也陛下幸已益封臣青臣青子在襁褓
中未有勤勞上幸列裂地封為三侯非臣待罪行間所

以勸士力戰之意也。伉等三人何敢受封。天子曰：我非忘諸校尉功也。今固且圖之。乃詔御史曰：護軍都尉公孫敖三從大將軍擊匈奴，常護軍，傳校獲王以千五百戶。封敖為合騎侯，都尉韓說從大將軍出窺真渾至匈奴，右賢王庭為麾戲下搏戰，獲王以千三百戶。封說為龍額侯，騎將軍公孫賀從大將軍，獲王以千二百戶。封賀為南宮侯，輕車將軍李蔡再從大將軍，獲王以千六百戶。封蔡為樂安侯，校尉李朔、校尉趙不虞、校尉公

孫戎奴各三從大將軍獲王以千三百戶封朔為涉步
軹侯以千三百戶封不虞為隨成侯以千三百戶封戎
奴為從平侯將軍李沮李息及校尉豆如意中郎將綰
皆有功賜爵關內侯沮息如意食邑各三百戶其秋匈
奴入代殺都尉朱英其明年春大將軍青出定襄合騎
侯敖為中將軍太僕賀為左將軍翕侯趙信為前將軍
衛尉蘇建為右將軍郎中令李廣為後將軍左內史李
沮為彊弩將軍咸屬大將軍斬首數千級而還月餘悉

復出定襄擊匈奴斬首虜萬餘人右將軍蘇建前將軍
趙信并軍三千餘騎獨逢單于兵與戰一日餘漢兵且
盡前將軍信故胡人降為翕侯見急匈奴誘之遂將其餘
騎可八百犇降單于右將軍蘇建盡亡其軍獨以身得
亡去自歸大將軍青大將軍青問其罪正閼長史安議
郎周霸等建當云何霸曰自大將軍出未嘗斬裨將今
建棄軍可斬以明將軍之威閼安曰不然兵法小敵之
堅大敵之禽也今建以數千當單于數萬力戰一日餘

士盡皆不敢有二心自歸自歸而斬之是示後無反意也不當斬大將軍青曰青幸得以肺腑附待罪行間不患無威而霸說我以明威甚失臣意且使臣職雖當斬將以臣之尊寵而不敢自擅專誅於境外而具其歸天子天子自裁之於是以見風為人臣不敢專權不亦可乎軍吏皆曰善遂囚建詣行在所入塞罷兵是歲也

霍去病始侯

史記是歲也連大將軍姊子漢書
衛青傳止此下別起霍去病傳

大將軍姊子霍去病大將軍青姊少兒子也其父霍仲

孺先與少兒通生去病及衛皇后尊少兒更為詹事陳
掌妻去病以皇后姊子年十八幸為天子侍中善騎射
再從大將軍大將軍受詔與子壯士為剽姚校尉與
輕勇騎八百直棄大將軍數百里赴利斬捕首虜過當
於是天子上曰剽姚校尉去病斬首捕虜二千二十
八級及得相國當戶斬單于大父行籍若侯產生捕季
父羅姑比再冠軍以二千六百戶封去病為冠軍侯
上谷太守郝賢四從大將軍捕斬首虜二千餘人三百

級以千一百戶封賢為衆終利侯騎士孟已有功賜爵
關內侯邑三百戶是歲失兩將軍軍亡翕侯軍功不多
故大將軍青不益封右將軍蘇建至天子上不弗誅赦
其罪贖為庶人大將軍青既還賜千金是時王夫人方
幸於上甯乘說大將軍青曰將軍所以功未甚多身食
萬戶三子皆為侯者徒以皇后故也今王夫人幸而宗
族未富貴願將軍奉所賜千金為王夫人親壽大將軍
青乃以五百金為王夫人親壽天子上聞之問大將軍

青大將軍青以實言對上乃拜寧垂為東海都尉校尉
張騫從大將軍以嘗使大夏留匈奴中久導道軍知善
水草處軍得以無饑渴因前使絕國功封騫為博望侯
冠軍侯去病既侯三歲元狩二三年春以冠軍侯去病
為驃票騎將軍將萬騎出隴西有功天子曰驃票騎
將軍率戎士踰烏盭討遼濮涉狐奴歷五王國輜重人
衆攝懼讐者弗取異幾獲單于子轉戰六日過焉支山
千有餘里合短兵鏖臯蘭下殺折蘭王斬盧胡侯王銳

悍者誅金甲獲醜執渾邪王子及相國都尉捷首虜八千餘九百六十級收休屠祭天金人師率減什七益封去病二千二百戶其夏驃騎將軍去病與合騎侯敖俱出北地異道博望侯張騫郎中令李廣俱出右北平異道皆擊匈奴郎中令廣將四千騎先至博望侯騫將萬騎在後至匈奴左賢王將數萬騎圍郎中令廣郎中令廣與戰二日死者過半所殺亦過當博望侯騫至匈奴兵引去博望侯騫坐行留當斬贖為庶人而驃騎將軍

去病出北地已遂深入與合騎侯失道不相得驃騎將
軍去病踰居延至祈連山捕首虜甚多天子上曰驃票
騎將軍踰涉鈞耆濟居延遂過臻小月氏攻祈連山揚
武乎鱗得得單于單桓酋涂王及相國都尉以衆降下
者二千五百人可謂能舍服知成而止矣捷斬首虜三
萬二百級獲五王五王母單于閼氏王子五十九人相
國將軍當戶都尉六十三人師大率減什三益封去病
五千四百戶賜校尉從至小月氏者爵左庶長鷹擊司

馬破奴再從驃票騎將軍斬邀濮王捕稽且王右千騎
將得王王母各一人王子以下四十一人捕虜三千三
百三十人前行捕虜千四百人以千五百戶封破奴為
從驃票侯校尉句王高不識從驃票騎將軍捕呼于屠
耆王王子以下十一人捕虜千七百六十八人以千一
百戶封不識為宜冠侯校尉僕多有功封為輝渠侯合
騎侯敖坐行留不與驃票騎將軍會當斬贖為庶人諸
宿將所將士馬兵亦不如驃騎去病驃騎去病所將常

選然亦敢深入常與壯騎先其大將軍軍亦有天幸未嘗困絕也然而諸宿將常坐留落不遇耦由此驃騎去病日以親貴比大將軍其秋後單于怒渾邪王居西方數為漢所破亡數萬人以驃票騎之兵也單于怒欲召誅渾邪王渾邪王與休屠王等謀欲降漢使人先遣使向邊境要遮漢人令報天子要道邊是時大行李息將城河上得渾邪王使即馳傳以聞天子上聞之於是恐其以詐降而襲邊乃令驃騎將軍去病將兵往迎之驃

騎去病既渡度河與渾邪王衆相望渾邪王裨王將見漢軍而多欲不降者頗遁去驃騎去病乃馳入得與渾邪王相見斬其欲亡者八千人遂獨遣渾邪王垂傳先詣行在所盡將其衆渡度河降者數萬人號稱十萬既至長安天子所以賞賜者數十巨鉅萬封渾邪王萬戶為漯陰侯封其裨王呼毒尼為下摩侯鷹庇廐疵為煇渠侯禽黎為河綦侯大當戶銅離調雖為常樂侯於是天子上嘉驃騎去病之功曰驃票騎將軍去病率師攻

征匈奴西域王渾邪王及厥衆萌咸相犇於率以軍糧
接食并將控弦萬有餘人誅獍驛悍獲捷首虜八千餘
級降異國之王三十二人戰士不離傷十萬之衆咸畢
懷集服仍與興之勞爰及河塞庶幾無亡患幸既永綏
矣以千七百戶益封驃票騎將軍減隴西北地上郡戍
卒之半以寬天下之繇役居頃之乃迺分徙處降者於
邊五郡故塞外而皆在河南因其故俗為屬國其明年
匈奴入右北平定襄殺畧漢千餘人其明年天子上與

諸將議曰：「翕侯趙信為單于畫計，常以為漢兵不能度幕，輕留今大發士卒，其勢執必得所欲。是歲元狩四年也。」元狩四年春，上令大將軍青、驃騎將軍去病將各五萬騎步兵，轉者踵軍數十萬，而敢力戰深入之士皆屬驃騎。去病驃騎去病始為出定襄，當單于捕虜虜言單于東，乃迺更令驃騎去病出代郡，令大將軍青出定襄，郎中令李廣為前將軍，太僕公孫賀為左將軍，主爵趙食其為右將軍，平陽侯襄為後將軍，皆屬大將軍兵。

即度幕人馬凡五萬騎與驃騎等咸擊匈奴單于趙信
為單于謀曰漢兵既即度幕人馬罷匈奴可坐收虜耳
乃迺悉遠北其輜重皆以精兵待幕北而適直大將軍
青軍出塞千餘里見單于兵陳而待於是大將軍青令
武剛車自環為營而縱五千騎往當匈奴匈奴亦縱從
可萬騎會日且入而大風起砂沙礫擊面兩軍不相見
漢益縱左右翼繞單于單于視漢兵多而士馬尚彊戰
而匈奴不利薄暮單于遂乘六羸壯騎可數百直冒漢



圍西北馳去時已昏漢匈奴相紛拏殺傷大當漢軍左
校捕虜言單于未昏而去漢軍因發輕騎夜追之大將
軍青軍因隨其後匈奴兵亦散走遲會明行二百餘里
不得單于頗捕斬首虜萬餘級遂至寘顏山趙信城得
匈奴積粟食軍軍留一日而還悉燒其城餘粟以歸大
將軍青之與單于會也而前將軍廣右將軍食其軍別
從東道或失道後擊單于大將軍引還過幕南乃得遇
相逢前將軍右將軍大將軍青欲使使歸報令長史簿

責前將軍廣廣自殺右將軍食其至下吏贖為庶人大將軍青軍入塞凡斬捕首虜萬九千級是時匈奴衆失單于十餘日右谷蠡王聞之自立為單于單于後得其衆右王乃迺去單于之號驃騎將軍去病亦將五萬騎兵車重與大將軍軍等而無亡裨將悉以李敢等為大校當裨將出代右北平二千餘里直左方兵所斬捕功已多於大將軍青軍既皆還天子上曰驃票騎將軍去病率師躬將所獲重賞久之士約輕齎絕大幕涉獲單

于章渠以誅北車者轉擊左大將軍斬雙獲旗鼓歷涉
離度難侯濟弓閭盧獲屯頭王韓王等三人將軍相國
當戶都尉八十三人封狼居胥山禪於姑衍登臨翰海
執鹵訊獲醜七萬有四百四十三級師率減什三二取
食於敵連卓行殊遠而糧不絕以五千八百戶益封驃
票騎將軍右北平太守路博德屬驃票騎將軍會與興
城不失期從至檣余山斬首捕虜二千七百級以千
六百戶封博德為符離侯北地都尉邢衛山從驃票

騎將軍獲王以千二百戶封山為義陽侯故歸義侯因
淳王復陸支樓專刺王伊即軒皆從驃票騎將軍有功
以千三百戶封復陸支為壯杜侯以千八百戶封伊即
軒為衆利侯從驃票侯破奴昌武侯安稽從驃票騎有
功益封各三百戶漁陽太守解校尉敢皆獲得鼓旗鼓
賜爵為關內侯解食邑三百戶敢二百戶校尉自為爵
大左庶長軍吏卒為官賞賜甚多而大將軍青不得益
封軍吏卒皆無封侯者唯河西太守常惠雲中太守遂

成受賞遂成秩諸侯相賜食邑二百戶黃金百斤惠爵
關內侯兩軍之出塞塞閱官及私馬凡十四萬匹而後
復入塞者不滿三萬匹乃迺益置大司馬位及大將軍
驃票騎將軍皆為大司馬定令令驃票騎將軍秩祿與
大將軍等自是之後大將軍青日退衰而驃騎去病日
益貴舉大將軍青故人門下多去事驃騎去病輒得官
爵唯獨任安不肯去驃騎將軍去病為人少言不泄有
氣敢任往天子上嘗欲教之孫吳孫兵法對曰顧方畧

何如耳不至學古兵法天子上為治第令驃騎視之對
曰匈奴未滅無以家為也由此上益重愛之然少而
侍中貴不省士其從軍天子上為遣太官齎數十乘既
還重車餘棄粱肉而士有饑者其在塞外卒乏糧或不
能自振而驃騎去病尚穿域蹋鞠也事多此類大將
軍青為人仁善喜士退讓以和柔自媚於上然於天下
未有稱也驃騎將軍去病自四年軍後三年歲元狩六
年而卒薨天子上悼之發屬國玄甲軍陳自長安至茂

陵為冢像象祁連山謚之并武與廣地曰景桓侯子嬪
嗣代侯嬪少字子侯上愛之幸其壯而將之居六歲元
封元年嬪為奉車都尉從封泰山而薨卒謚哀侯無子
絕國除自驃騎將軍去病死後大將軍青長子宜春侯
伉坐法失侯後五歲伉弟二人陰安侯不疑及發干侯
登皆坐酎金失侯失侯後二歲冠軍侯國除絕其後四
年元封五年大將軍青卒薨謚為曰烈侯子伉嗣代為
長平侯六年坐法免自大將軍青圍單于之後十四年

歲而卒竟不復擊匈奴者以漢馬少而又方南誅兩越東伐朝鮮擊羌西南夷以故久不伐胡初青既尊貴而平陽侯曹壽有惡疾就國長公主問列侯誰賢者左右皆言大將軍主笑曰此出吾家常騎從我奈何左右曰於今尊貴無比於是長公主風白皇后皇后言之上迺詔青大將軍以其得尚平陽公主與主合葬起冢象廬山云故長平侯仇代侯六歲坐法失侯左右兩大將軍及諸裨將名最大將軍青凡七出擊匈奴斬捕首虜五

萬餘級一與單于戰收河南地遂置朔方郡再益封凡
萬一六千八百戶封三子為侯侯千三百戶并之二
萬五千七百戶其校尉裨將及校尉以從大將軍侯
者九人其裨將及校尉已為特將者十四五人為裨將
者曰李廣張騫公孫賀李蔡曹襄韓說蘇建皆自有傳
無傳者曰

將軍公孫賀賀義渠人其先胡種賀父渾邪景帝時為
平曲侯坐法失侯賀武帝為太子時舍人武帝立八歲

以太僕為輕車將軍軍馬邑後四歲以輕車將軍出雲
中後五歲以騎將軍從大將軍有功封為南窳侯後一
歲以左將軍再從大將軍出定襄無功後四歲以坐酎
金失侯後八歲以浮沮將軍出五原二千餘里無功後
八歲以太僕為丞相封葛繹侯賀七為將軍出擊匈奴
無大功而再侯為丞相坐子敬聲與陽石公主姁為巫
蠱族滅無後

漢書
列傳

將軍李息郁郅人也事景帝至武帝立八歲為材官將

軍軍馬邑後六歲為將軍出代後三歲為將軍從大將軍出朔方皆無功凡三為將軍其後常為大行

將軍公孫敖義渠人以郎事武景帝至武帝立十二歲為驃騎將軍出代亡卒七千人當斬贖為庶人後五歲以校尉從大將軍有功封為合騎侯後一歲以中將軍從大將軍再出定襄無功後二歲以將軍出北地後驃騎失期當斬贖為庶人後二歲以校尉從大將軍無功後十四歲以因杆將軍築受降城七歲復以因杆將軍再出擊

匈奴至余吾亡士卒多下吏當斬詐死亡居民間五六
歲後發覺復繫坐妻為巫蠱族凡四為將軍出擊匈奴

一侯

將軍李沮雲中人事景帝武帝立十七歲以左內史為
彊弩將軍後一歲復為彊弩將軍

將軍李蔡成紀人也事孝文帝景帝武帝以輕車將軍

從大將軍有功封為樂安侯已為丞相坐法死

漢書
別傳

將軍張次公河東人以校尉從衛大將軍青有功封為

岸頭侯其後太后崩為將軍軍北軍後一歲為將軍復從大將軍凡再為將軍後坐法失侯次公父隆輕車武射也以善射景帝幸近之也

將軍蘇建杜陵人以校尉從衛將軍青有功為平陵侯以將軍築朔方後四歲為游擊將軍從大將軍出朔方後一歲以右將軍再從大將軍出定襄亡翕侯失軍當斬贖為庶人其後為代郡太守卒冢在大猶鄉

漢書
別傳

將軍趙信以匈奴相國降為翕侯武帝立十七歲八年

為前將軍與單于匈奴戰敗降匈奴

將軍張騫以使通大夏還為校尉從大將軍有功封為博望侯後三歲為將軍出右北平失期當斬贖為庶人其後使通烏孫為大行而卒冢在漢中

漢書
別傳

將軍趙食其殺裯人也武帝立二十二歲八年以主爵都尉從大將軍斬首六百六十級元狩三年賜爵闕內侯黃金百斤明年為右將軍從大將軍出定襄迷失道當斬贖為庶人

將軍曹襄以平陽侯為後將軍從大將軍出定襄襄曹

參孫也

漢書
別傳

將軍韓說弓高侯庶孫也以校尉從大將軍有功為龍
額侯坐酎金失侯元鼎六年以待詔為橫海將軍擊東
越有功為按道侯以太初三年為游擊將軍屯於五原
外列城為光祿勳掘蠱太子宮衛太子殺之

漢書
別傳

將軍郭昌雲中人也以校尉從大將軍元封四年以太
中大夫為拔胡將軍屯朔方還擊昆明無功奪印

將軍荀彧太原廣武人以御見侍中用為校尉數從大將軍以元封三年為左將軍擊朝鮮無功以坐捕樓船將軍坐法死誅

最驍票騎將軍去病凡六出擊匈奴其四出以將軍斬捕首虜首十一萬餘級及渾邪王以衆降數萬遂開河西酒泉之地西方益少胡寇四益封凡萬五千一百戶其校尉吏有功為侯者凡六人而後為將軍者二人

將軍路博德西河平州人以右北平太守從驃票騎將軍有功封為符郅離侯驃票騎死後博德以衛尉為伏波將軍伐破南越益封其後坐法失侯為彊弩都尉屯居延卒

將軍趙破奴故九太原人嘗亡入匈奴已而歸漢為驃票騎將軍司馬出北地時有功封為從驃票侯坐酎金失侯後一歲為匈河將軍攻胡至匈河水無功後二一歲擊虜樓蘭王後復封為浞野侯後六歲以為浚稽將

軍將二萬騎擊匈奴左賢王左賢王與戰兵八萬騎圍
破奴破奴生為虜所得遂沒其軍居匈奴中十歲復與
其太子安國亡入漢後坐巫蠱族自衛氏興大將軍青
首封其後枝支屬五人為五侯凡二十四歲而五侯盡
皆奪國衛氏無為侯者征和中戾太子敗衛氏遂滅而
霍去病弟光貴盛自有傳

太史公贊曰蘇建語余曰吾嘗說責大將軍至尊重而
天下之賢士大夫毋無稱焉願將軍觀古名將所招選

擇賢者勉之哉大將軍青謝曰自魏其武安之厚賓客
天子嘗切齒彼親附待士大夫招賢黜不肖者人主
之柄也人臣奉法遵職而已何與招士驃票騎亦放方
此意其為將如此

班馬異同卷二十四

欽定四庫全書

班馬異同卷二十五

宋 倪思 編

平津侯主父列傳第五十二 史記一百一十二

公孫弘傳第二十八 漢書五十八

主父徐嚴列傳第三十四 漢書六十四

丞相公孫弘者齊菑川國薛縣人也字季少時為薛獄吏有臯免家貧牧豕海上年四十餘乃學春秋雜說養

後母孝謹建元元年天子武帝初即位招賢良文學之士是時弘年六十徵以賢良徵為博士使匈奴還報不合上意上怒以為不能弘乃移病免歸元光五年有詔復徵賢良文學菑川國復推上公孫弘弘讓謝國人曰臣前已嘗西應命以用不能罷歸願更推選國人固推弘弘至太常太常令所徵儒士各對上策詔諸儒制曰蓋聞上古至治畫衣冠異章服而民不犯陰陽和五穀登六畜蕃甘露降風雨時嘉禾興朱中生山不童澤不

涸麟鳳在郊藪龜龍游於沼河洛出圖書父不喪子兄
不哭弟北發渠搜南撫交趾舟車所至人迹所及跂行
喙息咸得其宜朕甚嘉之今何道而臻乎此子大夫脩
先聖之術明君臣之義講論洽聞有聲乎當世敢問子
大夫天人之道何所本始吉凶之效安所期焉禹湯水
旱厥咎何由仁義禮智四者之宜當安設施屬統垂業
物鬼變化天命之符廢興何如天文地理人事之紀子
大夫習焉其悉意正議詳具其對著之于篇朕將親覽

馬靡有所隱弘對曰臣聞上古堯舜之時不貴爵賞而民勸善不重刑罰而民不犯躬率以正而遇民信也末世貴爵厚賞而民不勸深刑重罰而姦不止其上不正遇民不信也夫厚賞重刑未足以勸善而禁非必信而已矣是故因能任官則分職治去無用之言則事情得不作無用之器則賦斂省不奪民時不妨民力則百姓富有德者進無德者退則朝廷尊有功者上無功者下則羣臣遠罰當罪則奸邪止賞當賢則臣下勸凡此八

者治民之本也故民者業之則不爭理得則不怨有禮則不暴愛之則親上此有天下之急者也故法不遠義則民服而不離和不遠禮則民親而不暴故法之所罰義之所去也和之所賞禮之所取也禮義者民之所服也而賞罰順之則民不犯禁矣故畫衣冠異章服而民不犯者此道素行也臣聞之氣同則從聲比則應今人主和德於上百姓和合於下故心和則氣和氣和則形和形和則聲和聲和則天地之和應矣故陰陽和風雨

時甘露降五穀登六畜蕃嘉禾興朱少生山不童澤不涸此和之至也故形和則無疾無疾則不夭故父不喪子兄不哭弟德配天地明竝日月則麟鳳至龜龍在郊河出圖洛出書遠方之君莫不說義奉幣而來朝此和之極也臣聞之仁者愛也義者宜也禮者所履也智者術之原也致利除害兼愛無私謂之仁明是非立可否謂之義進退有度尊卑有分謂之禮擅殺生之柄通壅塞之塗權輕重之數論得失之道使遠近情偽必見於

上謂之術凡此四者治之本道之用也皆當設施不可
廢也得其要則天下安樂法設而不用不得其術則主
蔽於上官亂於下此事之情屬統垂業之本也臣聞堯
遭鴻水使禹治之未聞禹之有水也若湯之旱則桀之
餘烈也桀紂行惡受天之罰禹湯積德以王天下因此
觀之天德無私親順之和起逆之害生此天文地理人
事之紀臣弘愚慙不足以奉大對時對者百餘人太常
奏弘第居下策奏天子擢弘對為第一召入見狀容貌

甚麗拜為博士待詔金馬門弘復上疏曰陛下有先聖之位而無先聖之名有先聖之民而無先聖之吏是以勢同而治異先世之吏正故其民篤今世之吏邪故其民薄政弊而不行令倦而不聽夫使邪吏行弊政用倦令治薄民民不可得而化此治之所以異也臣聞周公旦治天下暮年而變三年而化五年而定唯陛下所志書奏天子以冊書答曰問弘稱周公之治弘之材能自視孰與周公賢弘對曰愚臣淺薄安敢比材於周公

雖然愚心曉然見治道之可以然也夫虎豹馬牛禽獸之不可制者也及其教馴服習之至可牽持駕服唯人之從臣聞揉曲木者不累日銷金石者不累月夫人之於利害好惡豈比禽獸木石之類哉朞年而變臣弘尚竊遲之上異其言是時方通西南夷道置郡巴蜀民苦之詔使弘視之焉還奏事盛毀西南夷無所用上不聽弘為人恢竒多聞常稱以為人主病不廣大人臣病不儉節弘為布被食不重肉後母死服喪三年每朝會議

開陳其端令使人主自擇不肯面折庭爭於是天子上
察其行敦慎厚辯論有餘習文法吏事而又緣飾以儒
術上大說之一二歲中至左內史弘奏事有所不可不
肯庭辯之嘗與主爵都尉汲黯請問汲黯先發之弘推
其後天子上常說所言皆聽以此日益親貴嘗與公卿
約議至上前皆倍背其約以順上旨汲黯庭詰弘曰齊
人多詐而無情實始為與臣等建此議今皆倍背之不
忠上問弘弘謝曰夫知臣者以臣為忠不知臣者以臣

為不忠上然弘言左右幸臣每毀弘上益厚遇之弘為人談笑多聞常稱以為人主病不廣大人臣病不儉節養後母孝謹後母卒服喪三年為內史數年元朔三年張歐免以弘為遷御史大夫是時通西南夷又東置滄蒼海北築朔方之郡弘數諫以為罷敞中國以奉無用之地願罷之於是天子乃使朱買臣等難弘置朔方之便發十策弘不得一弘迺謝曰山東鄙人不知其便若是願罷西南夷滄蒼海而專奉朔方上迺許之汲黯

曰弘位在三公奉祿甚多然為布被此詐也上問弘弘謝曰有之夫九卿與臣善者無過黯然今日庭詰弘誠中弘之病夫以三公為布被誠飾詐欲以釣名且臣聞管仲相齊有三歸侈擬於君桓公以霸亦上僭於君晏嬰相景公食不重肉妾不衣絲齊國亦治此亦下比於民今臣弘位為御史大夫而為布被自九卿以下至於小吏無差誠如汲黯言且無汲黯忠陛下安得聞此言天子上以為有謙讓愈益厚賢之元朔中卒以弘代薛

澤為丞相先是漢常以列侯為丞相唯弘無爵上於是
下詔曰朕嘉先聖之道開廣門路宣招四方之士蓋古
者任賢而序位量能以授官勞大者厥祿厚德盛者獲
爵尊故武功以顯重而文德以行褒其以高成之平津
鄉戶六百五十封丞相弘為平津侯其後以為故事至
丞相封自弘始也時上方興功業婁舉賢良弘自見為
舉首起徒步數年至宰相封侯於是起客館開東閣以
延賢人與參謀議

連下弘身
食一肉

弘為人然其性意忌外寬

內深諸嘗常與弘有郤隙者無近遠雖詳陽與善後竟陰報其禍過殺主父偃徙董仲舒於膠西皆弘之力也

連下後淮南
衡山王謀反

弘身食一肉脫粟之飯故人所善賓客仰

衣食弘奉祿皆以給之家無所餘

接上然其
性意忌

士亦以此

賢之後淮南衡山謀反治黨與方急弘病甚自以為無功而封侯居位至丞相位宜佐明主鎮填撫國家使人由臣子之道今諸侯有畔叛逆之計此皆宰相大臣奉職不稱也恐竊病死無以塞責乃上書曰臣聞天下

之通道五所以行之者三曰君臣父子兄弟夫婦長幼
朋友之序交此五者天下之通道也仁智知仁勇此三
者天下之通德所以行之者也故曰力行近乎仁好問
近乎智知力行近乎仁知恥近乎勇知此三者則知所
以自治知所以自治然後知所以治人天下未有不能
自治而能治人者也此百世不易之道也今陛下躬行
大孝弟鑒監三王建周道兼文武招徠四方之士任厲
賢予祿序位量能授官將以厲百姓勸賢材也今臣弘

罷愚驚之質無汗馬之勞陛下過意擢臣弘卒伍之中
封為列侯致位三公臣弘行能不足以稱素加有負薪
之病疾恐先狗馬填溝壑終無以報德塞責願歸侯印
乞骸骨避賢者路天子上報曰古者賞有功褒有德守
成尚上文遭遇右武未有易此者也朕宿夙昔夜庶幾
獲承至尊位懼不能寧惟所與共為治者君宜知之益
君子善善及後世惡惡君宜知之君若謹茲行常在朕
躬君不幸罹霜露之病疾何恙不已乃上書歸侯乞骸

骨是章朕之不德也。今事少閒，君其存精神，止念省思。
慮一精神輔助以醫藥，以自持。因賜告牛酒雜帛，居數
月，病有瘳。視事元狩二年，弘病。凡為丞相、御史六歲，年
八十，終竟。以丞相終。位其後：李蔡、嚴、青、翟、趙、周、石、慶公。
孫賀、劉屈氂繼踵為丞相。自蔡至慶，丞相府客館丘虛
而已。至賀、屈氂時，壞以為馬廐、車庫、奴婢室矣。唯慶以
惇謹復終相位。其餘盡伏誅云。弘子度嗣為平津侯。度
為山陽太守十餘歲，詔徵鉅野令史成詣公車。度留不

遣坐法失侯論為城旦元始中修功臣後下詔曰漢興以來股肱在位身行儉約輕財重義未有若公孫弘者也位在宰相封侯而為布被脫粟之飯奉祿以給故人賓客無有所餘可謂減於制度而率下篤俗者也與內富厚而外為詭服以釣虛譽者殊科夫表德章義所以率世厲俗聖王之制也其賜弘後子孫之次見為適者爵闕內侯食邑三百戶

主父偃者齊國臨菑人也學長短縱橫之術晚乃遇學

易春秋百家之言游齊諸生子間莫能厚遇也齊諸儒
生相與排擯不容於齊家貧假貸資無所得迺北游燕
趙中山皆莫能厚遇為客甚困孝武元光元年中以為
諸侯莫足游者元光元年乃迺西入關見衛將軍衛將
軍數言上上不召省資用乏留久諸公侯賓客多厭之
乃上書闕下朝奏暮召入見所言九事其八事為律令
一事諫伐匈奴其辭曰臣聞明主不惡切諫以博觀忠
臣不敢避重誅以直諫是故事無遺策而功流萬世今

臣不敢隱忠避死以效愚計願陛下幸赦而少察之司馬法曰國雖大好戰必亡天下雖平忘戰必危天下既平天子大凱愷春蒐秋獮諸侯春振旅秋治兵所以不忘戰也且夫怒者逆德也兵者凶器也爭者末節也古之人君一怒必伏尸流血故聖王重行之夫務戰勝窮武事者未有不悔者也昔秦皇帝任戰勝之威蠶食天下并吞戰國海內為一功齊三代務勝不休欲攻匈奴李斯諫曰不可夫匈奴無城郭之居委積之守遷徙鳥

舉難得而制也。輕兵深入糧食必絕。踵運糧以行重不
及事得其地不足以爲利也。遇得其民不可役調而守
也。勝必殺棄之。非民父母也。靡敝中國快甘心匈奴非
長策完計也。秦皇帝不聽。遂使蒙恬將兵而攻胡。辟卻
地千里以河爲境。地固澤鹹鹵不生五穀。然後發天下
丁男以守北河。暴兵露師十有餘年。死者不可勝數。終
不能踰河而北。是豈人衆之不足。兵革之不備哉。其勢
不可也。又使天下蜚飛芻輓粟起於東。黃腫瑯琊邪。負

海之郡轉輸北河率三十鍾而致一石男子疾耕不足
於糧饟餉女子紡績不足於帷幕百姓靡敝孤寡老弱
不能相養道路死者相望蓋天下始畔叛秦也及至高
皇帝定天下略地於邊聞匈奴聚於代谷之外而欲擊
之御史成進諫曰不可夫匈奴之性獸聚而鳥散從之
如搏影景今以陛下盛德攻匈奴臣竊危之高帝不聽
遂北至於代谷果有平城之圍高皇帝蓋悔之甚乃廼
使劉敬往結和親之約然後天下忘亡干戈之事故兵

法曰興師十萬日費千金夫秦常積衆暴兵數十萬人
雖有覆軍殺將係虜單于之功亦適足以結怨深讎不
足以償天下之費夫上虛府庫下敝百姓甘心於外國
非完事也夫匈奴難得而制非一世也行盜侵驅毆所
以為業也天性固然上及自虞夏殷周固弗不程督禽
獸畜之不屬比為人夫不上不觀虞夏殷周之統而下
脩循近世之失此臣之所以大憂恐百姓之所疾苦也
且夫兵久則變生事苦則慮易乃使邊境之民靡敝愁

苦而有離心將吏相疑而外市故尉佗章邯得以成其私也夫而秦政之所以不行者權分乎二子此得失之效也故周書曰安危在出令存亡在所用願陛下詳察孰計之少加意而熟慮加察焉是時趙人徐樂齊人嚴安亦俱上書言世務各一事

史文連下漢書接嚴安傳內書奏上召見至末別起

徐樂
傳

徐樂燕郡無終人也上書曰臣聞天下之患在於土崩不在於瓦解古今一也何謂土崩秦之末世是也陳涉

無千乘之尊尺土之地身非王公大人名族之後無鄉
曲之譽非有孔曾墨曾子之賢陶朱猗頓之富也然起
窮巷奮棘矜偏袒大呼而天下從風此其故何也由民
困而主不恤下怨而上不知也俗已亂而政不脩此三
者陳涉之所以為資也是此之謂土崩故曰天下之患
在於乎土崩何謂瓦解吳楚齊趙之兵是也七國謀為
大逆號皆稱萬乘之君帶甲數十萬威足以嚴其境內
財足以勸其士民然不能西攘尺寸之地而身為禽於

中原者此其故何也非權輕於匹夫而兵弱於陳涉也當是之時先帝之德澤未衰而安土樂俗之民衆故諸侯無境竟外之助此之謂瓦解故曰天下之患不在瓦解由是此觀之天下誠有土崩之勢雖布衣窮處之士或首惡難而危海內陳涉是也況三晉之君或存乎天下雖未有大治也誠能無土崩之勢雖有彊國勁兵不得旋還踵而身為禽矣吳楚齊趙是也況羣臣百姓能為亂乎哉此二體者安危之明要也賢主之所留意而

深察也間者關東五穀數不登年歲未復民多窮困重之以邊境之事推數循理而觀之則民且宜有不安其處者矣不安故易動易動者土崩之勢也故賢主獨觀萬化之原明於安危之機脩之廟堂之上而銷未形之患也其要期使天下無土崩之勢而已矣故雖有彊國勁兵陛下逐走獸射蜚飛鳥弘游燕之圃淫縱從恣之觀極馳騁之樂自若也金石絲竹之聲不絕於耳帷帳幄之私俳優侏朱儒之笑不乏於前而天下無宿憂名

何必湯武夏子俗何必成康雖然臣竊以為陛下天然之聖質寬仁之資而誠以天下為務則禹湯武之名不難侔而成康之俗未必不可復興也此二體者立然後處尊安之實揚名廣譽於當世親天下而服四夷餘恩遺德為數世隆南面負背宸依攝袂而揖王公此陛下之所服也臣聞圖王不成其敝足以安安則陛下何求而不得何為威而不成何奚征而不服乎哉

史文連下
漢書徐傳

止此下別
起嚴安傳

嚴安者臨菑人也以故丞相史上書曰臣聞鄒子曰政教文質者所以云救也當時則用過則舍之有易則易之故守一而不變者未睹治之至也今天下人民用財侈靡車馬衣裘宮室皆競脩飾調五聲使有節族雜五色使有文章重五味方丈於前以觀欲天下彼民之情見美則願之是教民以侈也侈而無節則不可瞻民離本而傲末矣末不可徒得故縉紳者不憚為詐帶劔者夸殺人以矯奪而世不知媿故姦軌浸長夫佳麗珍怪

固順於耳目故養失而泰樂失而淫禮失而采教失而
偽偽采淫泰非所以範民之道也是以天下人民逐利
無已犯法者衆臣願為民制度以防其淫使貧富不相
耀以和其心心既和平其性恬安恬安不營則盜賊銷
盜賊銷則刑罰少刑罰少則陰陽和四時正風雨時草
木暢茂五穀蕃熟六畜遂字民不夭厲和之至也臣聞
周有天下其治三百餘歲成康其隆也刑錯四十餘年
而不用及其衰也亦三百餘歲年故五伯更起五伯者

常佐天子興利除害誅暴禁邪匡正海內以尊天子五
伯既沒賢聖莫續天子孤弱號令不行諸侯恣行疆陵
弱衆暴寡田常篡齊六卿分晉並為戰國此民之始苦
也於是疆國務攻弱國備脩守合從連橫衡馳車擊轂
擊介冑生蟣蟲民無所告愬及至秦王蠶食天下并吞
戰國稱號曰皇帝主一海內之政壞諸侯之城銷其兵
鑄以為鍾虡示不復用元元黎民得免於戰國逢明天
子人人自以為更生嚮鄉使秦緩其刑罰薄賦斂省繇

役貴仁義賤權利上篤厚下智佞巧變風易俗化於海
內則世世必安矣秦不行是風而脩循其故俗為智巧
權利者進篤厚忠信正者退法嚴政峻令苛諂調諛者
衆日聞其美意廣心軼逸欲肆威海外乃使蒙恬將兵
以北攻彊胡辟地進境戍於北河蜚飛芻輓粟以隨其
後又使尉佗屠睢將樓船之士南攻百越使監祿鑿渠
運糧深入越地越人遁逃曠日持久糧食乏絕乏越人
擊之秦兵大敗秦乃使尉佗將卒以戍越當是時秦禍

北構於胡南挂於越宿兵於無用之地進而不得退行
十餘年丁男被甲丁女轉輸苦不聊生自經於道樹死
者相望及秦皇帝崩天下大叛畔陳勝吳廣舉陳武臣
張耳舉趙項梁舉吳田儋舉齊景駒舉郢周市舉魏韓
廣舉燕窮山通谷豪士並起不可勝載也然本皆非公
侯之後非長官之吏也無尺寸之勢起閭巷杖棘矜應
時而皆動不謀而俱起不約而同會壤長地進至于乎
霸伯王時教使然也秦貴為天子富有天下滅世絕祀

者窮兵之禍也故周失之弱秦失之彊不變之患也今
欲招徇南夷朝夜郎降羌獃略滅葦州建城邑深入匈
奴燔其龍龍城議者美之此人臣之利也非天下之長
策也今中國無狗吠之驚警而外累於遠方之備靡敝
國家非所以子民也行無窮之欲甘心快意結怨於匈
奴非所以安邊也禍結擎而不解兵休而復起近者愁
苦遠者驚駭非所以持久也今天下鍛甲砥摩劒橋矯
箭累拉弦轉輸運軍糧未見休時此天下之所共憂也

夫兵久而變起事煩而慮生今外郡之地或幾千里列城數十形東壤制旁帶脅諸侯非公宗室之利也上觀齊晉之所以亡者公室畢削六卿大盛也下觀覽秦之所以滅者刑嚴法文刻深欲大無窮也今郡守之權非特六卿之重也地幾千里非特閭巷之資也甲兵器械非特棘矜之用也以遭逢萬世之變則不可稱勝諱也後以安為騎馬令

漢書嚴安傳止此
下文入主父傳

書奏天子天子上

召見三人謂曰公等皆安在何相見之晚也於是上乃

拜主父偃徐樂嚴安皆為郎中偃數見上疏言事詔拜
偃遷為謁者中郎遷樂為中大夫一歲中四遷偃偃說
上曰古者諸侯地不過百里疆弱之形易制今諸侯或
連城數十地方千里緩則驕奢易為淫亂急則阻其疆
而合從以逆京師今以法割削之則逆節萌起前日鼂
錯是也今諸侯子弟或十數而適嗣代立餘雖骨肉無
尺寸地之封則仁孝之道不宣願陛下令諸侯得推恩
分子弟以地侯之彼人人喜得所願上以德施實分其

國不削而必稍自銷弱矣於是上從其計又說上曰茂陵初立天下豪傑并兼并之家亂衆之民皆可徙茂陵內實京師外銷奸猾此所謂不誅而害除上又從其計之尊立衛皇后及發燕王定國陰事偃有功焉大臣皆畏其口賂遺累千金人或說偃曰太橫矣主父偃曰臣結髮游學四十餘年身不得遂親不以為子昆弟不收賓客棄我我阢阢日久矣且丈夫生不五鼎食死即則五鼎烹耳吾日暮途遠故倒行暴逆施之偃盛言朔方

地肥饒外阻河蒙恬築城之以逐匈奴內省轉輸戍漕
廣中國滅胡之本也上覽其說下公卿議皆言不便公
孫弘曰秦時常發三十萬衆築北河終不可就已而棄
之主父偃盛言其便朱買臣難詰弘上竟用主父計遂
置立朔方郡本偃計也元朔二年中主父偃言齊王內
有淫佚失之行僻上拜主父偃為齊相至齊遍召昆弟
賓客散五百金予之數之曰始吾貧時昆弟不我衣食
賓客不我內門今吾相齊諸君迎我或千里吾與諸君

絕矣母復入偃之門乃使人以王與姊姦事動王王以
為終不得脫罪恐效燕王論死乃自殺有司以聞主父
偃始為布衣時嘗遊燕趙及其貴發燕事趙王恐其為
國患欲上書言其陰事為偃居中不敢發及其為齊相
出關即使人上書告言主父偃受諸侯金以故諸侯子
弟多以得封者及齊王以自殺上聞上大怒以為主父
偃劫其王令自殺乃徵下吏治主父偃服受諸侯之金
實不劫齊王令自殺上欲勿誅是時公孫弘為御史大

夫乃言爭曰齊王自殺無後國除為郡入漢主父偃本
首惡陛下不非誅主父偃無以謝天下乃遂族主父偃
主父偃方貴幸時賓客以千數及其族死無一人視收
者唯獨校孔車收葬之焉天子上後聞之以為孔車為
長者也

太史公曰公孫弘行義雖脩然亦遇時漢興八十餘年
矣上方鄉文學招俊乂以廣儒墨弘為舉首主父偃當
路諸公皆譽之及名敗身誅士爭言其惡悲夫



班馬異同卷二十五

欽定四庫全書

班馬異同卷二十六

宋 倪思 編

司馬相如列傳第五十七 史記一百一十七

司馬相如傳上第二十七 漢書五十七

司馬相如者字長卿蜀郡成都人也字長卿少時好讀書學擊劒故其親名之曰犬子相如既學慕蘭相如之為人也更名相如以賢嘗為郎事孝景帝為武騎常侍

非其好也會景帝不好辭賦是時梁孝王來朝從游說之士齊人鄒陽淮陰枚乘吳莊嚴忌夫子之徒相如見而說之因病免客游梁梁孝王令與諸生同舍相如得與諸生侯游士居數歲乃著子虛之賦會梁孝王卒薨相如歸而家貧無以自業素與臨邛令王吉相善吉曰長卿久宦游不遂而困來過我於是相如往舍都亭臨邛令繆為恭敬日往朝相如相如初尚見之後稱病使從者謝吉吉愈益謹肅臨邛中多富人而卓王孫家僮

客八百人程鄭亦數百人二人乃相謂曰令有貴客為
具召之并召令令既至卓氏客以百數至日中謁請司
馬長卿長卿謝病不能往臨臨邛令不敢嘗食身自往
迎相如相如為不得已而彊往一坐盡傾酒酣臨邛令
前奏琴曰竊聞長卿好之願以自娛相如辭謝為鼓一
再行是時卓王孫有女文君新寡好音故相如繆與令
相重而以琴心挑之相如之臨邛時從車騎雍容閒雅
甚都及飲卓氏弄琴文君竊從戶窺之心悅而好之恐

不得當也既罷相如乃使令侍人重賜文君侍者通殷勤文君夜亡奔相如乃與馳歸成都家居徒四壁立卓王孫大怒曰女至不材我不忍殺一錢不分一錢也人或謂王孫王孫終不聽文君久之不樂謂長卿曰長卿第俱如臨邛從昆弟假貸資猶足以為生何至自苦如此相如與俱之臨邛盡賣其車騎買一酒舍酤酒而乃令文君當鑪盧相如身自著犢鼻褌與庸保庸雜作滌器於市中卓王孫聞而耻之為杜門不出昆弟諸公更

謂王孫曰有一男兩女所不足者非財也今文君既已失身於司馬長卿長卿故倦游雖貧其人材足依也且又令客獨奈何相辱如此卓王孫不得已分予與文君僮百人錢百萬及其嫁時衣被財物文君乃與相如歸成都買田宅為富人居久之蜀人楊得意為狗監侍上上讀子虛賦而善之曰朕獨不得與此人同時哉得意曰臣邑人司馬相如自言為此賦上驚乃召問相如相如曰有是然此乃諸侯之事未足觀也請為天子游獵

之賦賦成奏之上許令尚書給筆札相如以子虛虛言也為楚稱烏有先生者烏有此事也為齊難無亡是公者無亡是人也欲明天子之義故空虛藉此三人為辭以推天子諸侯之苑囿其卒章歸之於節儉因以風諫奏之天子天子大說其辭曰楚使子虛使於齊齊王悉發境內之士備車騎之眾與使者出田田罷子虛過說蛇烏有先生而無亡是公在存焉坐定烏有先生問曰今日田樂乎子虛曰樂獲多乎曰少然則何樂對曰僕

樂齊王之欲夸僕以車騎之衆而僕對以雲夢之事也
曰可得聞乎子虛曰可王駕車千乘選徒萬騎田於于
海濱列卒滿澤罟罔彌山揜兔菟犇鹿射麋腳格麟驚
於鹽浦割鮮染輪射中獲多矜而自功顧謂僕曰楚亦
有平原廣澤游獵之地饒樂若此者乎楚王之獵何孰
與寡人僕下車對曰臣楚國之鄙人也幸得宿衛十有
餘年時從出游游於後園覽於有無然猶未能徧覩也
又烏足以言其外澤者乎齊王曰雖然畧以子之所聞

見而言之僕對曰唯唯臣聞楚有七澤嘗見其一未覩其餘也臣之所見蓋特其小小者耳爾名曰雲夢雲夢者方九百里其中有山焉其山則盤紆弗鬱隆崇律律峯岑巖崑參差日月蔽虧交錯糾紛上干青雲罷池陂陀下屬江河其土則丹青赭堊雌黃白垺錫碧金銀衆色炫耀照爛龍鱗其石則赤玉玫瑰琳瑯琨瑀玳昆吾瑊玳玄厲瑱瑊石武夫其東則有蕙圃衡蘭芷若射干穹窮昌蒲江離蘼蘼蕪蕪諸蔗柘穉巴且其南則有平原

廣澤登降陲靡案行壇曼緣以大江限以巫山其高燥
則生葳蕤析苞荔薜薜莎青蘋其卑溼則生藏菰兼葭
東菁雕胡蓮藕旅觚蘆盧菴蔞菴間軒芋于衆物居之
不可勝圖其西則有湧泉清池激水推移外發芙蓉菱
夫客陵華內隱鉅石白沙其中則有神龜蛟鼉瑇瑁
冒鼈龜其北則有陰林巨樹榲桺豫章桂椒木蘭藥櫟
離朱楊楮樹檉栗橘柚芬芳其上則有赤猿蠼蛄鵲雛
孔鸞騰遠射干其下則有白虎玄豹蝮蛇羆羆兕象野

犀窮奇猥誕於是乎乃使專剗諸之倫手格此獸楚王
乃駕馴駁駁之駟乘雕王之輿靡魚須之橈旃曳明月
之珠旗建干將之雄戟左烏嗥號之雕弓右夏服之勁
箭陽子驂乘織娥阿為御案節未舒即陵狡獸麟覺叩
叩楚轉距虛軼野馬而轉駒駢乘遺風而射游騏儵倏
聃聃淒淒洌雷動燁燁至星流霆電擊弓不虛發中必
決背洞胸達腋披絕乎心繫獲若雨獸拚草中蔽地於
是楚王乃弭節裴回徘徊翱翔容與覽乎陰林觀壯士

之暴怒與猛獸之恐懼微飢受詘殫睹衆物之變態於
是鄭女曼姬被阿錫揄紆縞雜織羅巫霧縠襞積縐
紆徐委曲鬱橈谿谷紛紛裊裊揚袍邱戎削蜚織縠巫
髻扶輿猗靡喻呬萃蔡下摩蘭蕙上拂羽蓋錯翡翠之
威葳蕤繆繞王綏綽乎眇眇忽忽若神仙之仿佛髣髴
於是乃羣相與獠於蕙圃嬰珊瑚牽上金隄揜翡翠射
鷁鷁微矰出纖纖繳施弋白鵠連駕鵝雙鶴下玄鶴加
怠而後發游於清池浮文鷁揚桂旌柁柁張翠帷建羽

蓋罔瑇瑁鈞紫貝撝金鼓吹鳴籟榜人歌聲流喝水蟲
駭波鴻沸涌泉起奔揚會礪石相擊礪礪礪礪若雷霆
之聲聞乎數百里之外將息獠者擊靈鼓起烽燧車案
行騎就隊纒乎淫淫班般乎裔裔於是楚王乃登陽雲
之臺泊乎無為澹乎自持勺藥之和具而後御之不若
大王終日馳騁而曾不下輿將割輪淬焮自以為娛臣
竊觀之齊殆不如於是王默然無以應僕也烏有先生
曰是何言之過也足下不遠千里來况齊國王悉發境

內之士而備車騎之衆以與使者出田乃欲戮力致獲以娛左右也何名為夸哉問楚地之有無者願聞大國之風烈先生之餘論也今足下不稱楚王之德厚而盛推雲夢以為高驕奢言淫樂而顯侈靡竊為足下不取也必若所言固非楚國之美也有而言之是章君之惡也無而言之是害足下之信也章君之惡而傷私義二者無一可而先生行之必且輕於齊而累於楚矣且齊東有墮巨鉅海南有琅邪觀乎成山射乎之罘浮勃澥

游孟諸邪與肅慎為鄰右以湯谷為界秋田乎青丘仿
徨乎海外吞若雲夢者八九其於胃中曾不蒂芥若乃
倣儻瑰偉瑋異方殊類珍怪鳥獸萬端鱗萃崕充仞其
中者不可勝記禹不能名契禹不能計然在諸侯之位
不敢言游戲之樂苑囿之大先生又見客是以王辭而
不能復何為無用以應哉無亡是公听然而笑曰楚則
失矣而齊亦未為得也夫使諸侯納貢者非為財幣所
以述職也封疆畫界者非為守禦所以禁淫也今齊列

為東藩而外私肅慎損國踰阨限越海而田其於義固
未可也且二君之論不務明君臣之義而正諸侯之禮
徒事爭於游獵戲之樂苑囿之大欲以奢侈相勝荒淫
相越此不可以揚名發譽而適足以貶粵君自損也且
夫齊楚之事又焉為足道邪乎君未睹夫巨麗也獨不
聞天子之上林乎左蒼梧右西極丹水更其南紫淵徑
其北終始霸漣產出入涇渭鄠鄠鎬潦滴紆餘委蛇經
營乎其內蕩蕩兮乎八川分流相背而異態東西南北

馳驚往來出乎椒丘之闕行乎洲淤之浦徑乎桂林之中過乎決莽之野汨乎渾混流順阿而下赴隘陜之口觸穹石激堆埼沸乎暴怒洶湧滂潰彭湃淠淠淩淩汨汨瀉瀉側泌瀾橫流逆折轉騰激洄澎湃滂沱漑漑溉穹隆雲撓蜿瀾宛潭膠戾韞踰波趨汜莅莅涖涖下瀨批巖衝壅擁犇揚滯沛臨坻注壑澆潏霄墜隊湛湛沈沈隱隱砰磅訇礚滴瀝淢淢潏潏馳波跳沫汨汨急漂疾悠遠長懷寂寥無聲肆乎永歸然後瀨灕潢潢

安翔徐徊翳乎漉漉東注大湖行溢陂池於是乎蛟龍
赤螭鮪鱮漸離鰓鰻魴魮鰻魴魮魴魮魴魮魴魮魴魮
尾振振鱗奮翼潛處于乎深巖魚鱉謹聲萬物衆夥明
月珠子率璣的率江靡蜀石黃磬水玉磊砢磷磷爛爛
采色濔肝汗叢積乎其中鴻鵠鵠鵠鵠鵠鵠鵠鵠鵠鵠
鴟玉鰲鰲鰲鰲鰲鰲鰲鰲鰲鰲鰲鰲鰲鰲鰲鰲鰲鰲鰲
盧羣浮乎其上汎淫泛汎濫隨風澹淡與波揺蕩掩奄
薄草水渚啞啞菁藻咀嚼菱藕於是乎崇山矗矗巖巖

從崔巍峩我深林鉅木嶄巖參參峩峩九峩峩薛南山
峩峩巖陀甌錡摧峩峩岨岨振豁漢通谷蹇產溝瀆豁呀
豁間自阜陵別島陽巖魄喪魂丘墟嶺嶺隱轡鬱端
岨登降施靡陂池獬豸沈沈落淫鬻散渙夷陸亭臯千
里靡不被築掩以綠蕙被以江離糝以蘼靡蕪雜以流
畱夷專布結縷攢戾莎揭車衡蘭亭本射干託薑蕤荷
歲橙持若蓀鮮枝支黃磔蔣茅青蘋布濩閎澤延曼太
原麗離靡廣衍應風披靡吐芳揚烈郁郁斐斐非非衆

香發越盼蠻布寫曖曖夢苾必勃於是乎周覽泛泛
觀瞋盼絢紛軋湯芴芒芒恍忽視之無端察之無崖涯
日出東沼入於庠西陂其南則隆冬生長踊水躍波其
獸則獮廂旄獫聲沈牛塵麋赤首圓題窮奇象犀其北
則盛夏含凍裂地涉冰揭河其獸則麒麟角觶端駒駢
橐駝蛭蛭驪駃騠驢騾於是乎離宮別館彌山跨
谷高廊四注重坐曲閣華棖壁璫輦道纒屬步櫚周流
長途中宿夷夢築堂累象臺增成巖突突洞房俛頽杳

眇而無見仰攀艸櫟而捫天奔星更於閨間宛虹拖
於楯軒青蚪龍蚴蟠於東箱象輿婉蟬俾於西清靈囿
燕於閒觀館倕佺之倫暴於南榮醴泉湧於清室通川
過乎於中庭槃磐石振崖嶽巖倚傾嗟我磳磳嵒嵒刻
削崢嶸玫瑰碧琳礪礪珊瑚叢生璿玉旁唐璚玢璊
文鱗赤瑕駁犖雜重其間垂綏鼃采琬琰和氏出焉
於是乎盧橘夏孰黃甘橙棣枇杷檣柿檉亭柰厚朴櫟
棗楊梅櫻桃蒲陶隱夫鬱蓂棣楷檍荅還荔離枝支羅

乎後宮列乎北園。馳馳丘陵下平原。揚翠葉。抗紫莖。發
紅華。秀垂朱榮。煌煌扈扈。照曜鉅野。沙棠櫟。櫟華汜。楓
櫟枰。櫟留落胥餘。邪仁頻并。間攬檀木。蘭豫章。女貞長。
千仞大連抱。夸條直暢。實葉後茂。林攢立。叢倚連。卷累
攬。俛崔錯。發骭阮。衡閭。柯垂條。扶於疏落。英幡纚。紛落
蕭蕭。蓼蓼旖旎。倚柅從風。瀏蒞。卉吸歛。蓋象金石之聲。管
籥之音。柴池。訖虎旋環。還乎後宮。雜遝。襲累輯。被山緣
谷。循阪下隰。視之無端。究之無窮。於是乎玄猿素雌。雌

蠓飛鷗蠕蛭蝟搜蜮徕蜥蜥胡穀蛻棲息乎其間長
嘯哀鳴翮幡互經天矯枝格偃蹇杪顛於是乎踰絕梁
騰殊榛捷垂條踔稀希間牢落陸離爛漫漫遠遷若此
輩者數千百千處嬉娛游往來宮宿館客舍庖廚不徒
後宮不移百官備具於是乎背秋涉冬天子校獵乘鏤
象六玉蚪拖蜺旌靡雲旗前皮軒後道游孫叔奉轡衛
公驂乘扈從橫行出乎四校之中鼓嚴簿縱獵者江
河為陸泰山為櫓車騎雷起隱殷天動地先後陸離離

散別追淫淫裔裔緣陵流澤雲布雨施生貔豹搏豺狼
手熊羆足野羝羊蒙鷁蘇袴綉白虎被豳班文跨野羝
馬陵三變之危下磧歷之坻徑徑陵峻赴險越壑厲水
推椎蜚廉弄解豸鷹格瑕蝦蛤鉞猛氏胃崩驪要裏射
封豕箭不苟害解脰陷腦弓不虛發應聲而倒於是乎
乘興彌弭節裴回徘徊翱翔往來睨部曲之進退覽將
帥之變態然後浸潭浸淫促節儵負遠去流離輕禽驚
履狡獸轉輶白鹿捷狡兔菟輶赤電遺光耀追怪物出

宇宙彎繁蕃弱蒲白羽射游梟櫟蜚虞遽擇肉而後發
先中而命處弦矢分藝殪仆然後揚節而上浮陵驚風
歷駭颺倏乘虛無亡與神俱麟蘭玄鶴亂昆雞道孔鸞
促駿驤拂鷺鳥捎鳳皇捷駕鵠掩旃焦明道盡塗殫迴
車而還招消搖乎襄羊降集乎北紘率乎直指閭闔乎
反鄉屢石闕闕歷封巒過鳩雉鵲望露寒下棠梨息宜
春西馳宣曲濯鷁牛首登龍臺掩細柳觀士大夫之勤
畧鈞獠獵者之所得獲觀徒車之所轡間轢乘騎之所

蹂若人民之所蹈躅藉與其窮極倦飢驚憚惛伏不
被創刃而死者佗佗它它籍籍填坑滿谷拚掩平彌澤
於是乎游戲懈怠置酒乎昊顙天之臺張樂乎轆轤之
宇寓撞千石之鐘立萬石之鉅虞建翠華之旗樹靈鼉
之鼓奏陶唐氏之舞聽葛天氏之歌千人倡萬人和山
陵為之震動川谷為之蕩波巴榆宋蔡淮南于干遮文
成顙歌族舉居遞奏金鼓迭起鏗鏘鎗鐃磬閤鞀洞心
駭耳荆吳鄭衛之聲韶濩武象之樂陰淫案行之音駟

郢縉紛激楚結風俳優侏儒狄鞮之倡所以娛耳目而
樂心意者麗靡爛漫於前靡曼美色於後若夫青琴
宓妃之徒絕殊離俗妖冶嫺閑都靚莊刻飾便嬛倬
薛約柔橈嬛嬛嫋嫋媚嫵嫵媚纖弱拙曳獨繭之綸
葩袒耻閭易以戍恤削嫵嫵徼徼便嫵嫵肩與世殊服
芬香芳漚鬱酷烈淑郁皓齒粲爛宜笑的皪長眉連娟
微睇繚藐色授魂與予心愉於側於是酒中樂酣天子
芒然而思似若有亡曰嗟乎此秦大奢侈朕以覽聽餘

閒無事棄日順天道以殺伐時休息以於此恐後世靡
麗遂往而不反返非所以為繼嗣創業垂統也於是乎
乃解酒罷獵而命有司曰地可以墾辟悉為農郊以贍
萌氓隸墮墻塹塹使山澤之民得至焉實陂池而勿
禁虛宮觀館而勿切發倉廩以賑救貧窮民補不足恤
鰥寡存孤獨出德號省刑罰改制度易服色更革正朔
與天下為始於是歷吉日以齊戒襲朝衣服乘法駕建
華旗鳴玉鸞游乎六藝之圃馳騫乎仁義之塗覽觀春

秋之林射狸首兼騶虞弋玄鶴建舞干戚載戴雲罕揜
羣雅悲伐檀樂樂胥脩容乎禮園翺翔于乎書圃述易
道放怪獸登明堂坐清廟恣羣臣奏得失四海之內靡
不受獲於斯之時天下大說嚮鄉風而聽隨流而化喟
然興道而遷義刑錯而不用德隆乎於三皇功美於
五帝若此故獵乃可喜也若夫終日暴露馳騁勞神苦
形罷車馬之用抗士卒之精費府庫之財而無德厚之
恩務在獨樂不顧衆庶忘國家之政而貪雉兔菟之獲

則仁者不由繇也從此觀之齊楚之事豈不哀哉地方
不過千里而囿居九百是草木不得墾辟而民無所食
也夫以諸侯之細而樂萬乘之所侈僕恐百姓之被其
尤也於是二子愀然改容超若自失逡巡避席曰鄙人
固陋不知忌諱乃今日見教謹聞受命矣賦奏天子以
為郎無亡是公言天子上林廣大山谷水泉萬物及子
虛言楚雲夢所有甚衆侈靡多過其實且非義理所尚
止故刪取其要歸正道而論之

班馬異同卷二十六